

2009 Hope Bay-mi Ilihaqtaminut Ukiumut Naunaitkutait

Una titiraq naunaitkutauyuq ilihaqtainut Rescan-kut maligahuaqhugu Laisiutaat Nappaa 0402609N-M Hope Bay-mi.

Newmont-kut Uyaraghiuqtit Kuapuriisakkut uyaraghiuqtut Hope Bay haniani, Melville Sound-mi, talvani Nunavunmi. Nalvaaqhiurviat pingahunik uyaraghiuqviliit; Doris, Madrid, Boston-lu. Doris-mi uyaraghiurviat angiqtauhimayuq uyaraghiuqvighaq (Doris Tununngani Hannaviat).

2009-mi Newmont-kut ilihaqhimaapaktut talvani uyaraghiuqvigitinnagu iqalliqiyillu pitquhimayait maligahuaqhugit. Hapkua ilihaqtauhimmaaqut aullaqtitauhimangmat 1990-nit, tununngaa ihivriuttiaqhugu, Doris haniani, talvanilu Doris-lu Madrid-lu uyaraghiuqvianit. Havakviuhimayut hanianit uyaraghiuqvighait, ungahianitlu 'naunaitkutighait' hivuani.

Hapkua 2009-mi ilihaqtait munarinahuaqpagait:

- Doris-mi hilaliqiniqmut naunaiyaivighainik aulapkaivaktut;
- Hilap qanurilinganianik munaqhivaktut avatiinik Partisol-mik ilihiplutik, ihigtuyaaghaaniklu naunaiyaivaktut, anurimiklu ihivriuqhinitik. Hilaliqitinnuamiklu iliuraimayut tahiimik ilihaitighainik;
- 13-nik imaliqinirmut naunaiyaivighainik aulapkaihimayut talvani, immap ingilranianik naunaiyaivaghutiklu qaffinitlikiaq qurlunit;
- 25-nguyunit tattinit qurlunitlu imaqmik ihivriuqhivaktut, uumayuniklu imaqmiutanik. Immap qaanga aallannguqtaqtuq ukiuqtaqtungmat (ukiumi auyamilu) nakillu ihivriuqhvigiyanik, ilangi tahiit uumayugiakpaghutik;
- Tahirmiutanik iqalungnik naunaiyaivaktut 7-nit tahirnit, kuukkamitlu atauhirmut, qaffinitlu qurlunit tahiranitlu. Iqalughimayut tahapkuninnga iqalukpingnik, ihuuqiqnik, aanaaqhiinik, kapihilingnik kanayuniklu. Iqalulgit tahiit ihivriupagait ingilrutiqaghutik immap ataani qunngiarutinik ilangini tahirnik.
- Imaqmiutanik immap ataantlu ihivriuqhivaktut Roberts Bay-mit, Hope-Bay-mitlu, kangiqhungmitlu ilihaqvigiyanit. Imarmut tuhaajjutinik atuqhutik, itininiiniklu, hinaantlu naunaiyaivaktut talvani kangiqhungmi;
- Iqalungnik imaqmiutaniklu ihivriuqhivaktut talvani Roberts Bay-mi ahinilu kangiqhungmi. Ilangi iqalughimayait tahapkua: iqalukpiit, ihuuqiq, uugait, kapihiliit, kanayuit, nataarnait, algauyuit, uviluitlu;

- Tingmiplutiklu tuktunik ihivriughivaktut nurraqtaaqhutik (July-mi 2009). Ahiarmiut tuktuut nurrivaktut hivuraanit kivalliqhianilu ilihaqviata, kihimi 10-nik ikitqiyainik qunngiaqpaktut naunaiyaitillutik talvuuna naunaitpuq nurriyat tuktuut amirnaittut ihivriughivigiyainit. Qaffiuyut tuktuut ingilravaktut ilittuqhivianit May-ngutillugu 2009-mi tununnganut ingilratillugit taapkua Dolphin-kut Union-kullu tuktuut; imaalu
- Anngutighaniklu ihivriqhiplutik hurrajjanik, tingmijjanik, kilgavinik, hitiiniklu amaqquut tiriganniatlu. Kilgavingnik ihivriughivaktut (upinngaghami auyamilu) 6-nguplutik aallatqiik talvani, tulugait kilgaviitlu. 27-nguyut upluit nanihimayait manniqaqhimayut, malruinnaak piaraqaqhutik auyami, upinngaghaqnahaamut qaayuqnaqniqmullukiaq ikittut. 36-nguyut aallatqiik tingmijjat qupanuallu takuyauhimayut hapkuninnga ilihaqtillugit, 9-nguplutik qpanujjat, malruklu hurrajjat, tallimauplutik hinaanirhiuqtut, 20-iuplutik imarmiut. Qunngiaqhugit tamarmik tingmijjat, 9-nguyut amiriyauvaktut aviktuqhimayumi kavamaqyuatkunnitlu. Atauhirmik tiriganniap hitianik amaqquplu hitianik nalvaaqhimayut 2009-mi.

Ihivriughimaarahuaqtut 2010-mi avatinik Hope Bay-mi nalvaaqhiuqvianit.